



## Universitätsbibliothek Paderborn

### **Historiae Ecclesiasticae Pars ...**

HISTORIAE EC||CLESIASTICAE PARS || PRIMA, QVA CONTI-||NENTVR ||  
Eusebij cognomento Pamphili Cæsareæ Palæ-||stinæ Episcopi lib. 10.||  
Eiusdem de vita Constantini magni lib. 4.|| Oratio Constantini magni ad  
sanctoru[m] cœtu[m].|| Oratio eiusdem Eusebij in laudem Constanti-||ni  
magni ad trigesimum ...

**Christopherson, John**

**[Köln], 1569**

De Clementis epistola, & aliis quae falso titulo illi tribuuntur. Cap. XXXII.

**urn:nbn:de:hbz:466:1-29861**

E V S E B I I H I S T O R I A E

ita vt frequens hominum multitudo, ipsa prima prædicationis auditione persuasa, propenso studio pietatem & cultum, qui Deo omnium rerum opifici soli debetur, animis exciperet amplectereturque.

*De Clementis epistola, & aliis quæ falso titulo illi tribuuntur.*

C A P .     XXXII.

**V**erum cum fieri nequeat, vt omnes, quotquot tandem in ecclesiis per orbē dispersis proximē & secundum apostolos pastores aut euangelistæ successerint, nominatim recenseamus, eorum solum nomina scriptis & memorie non sine causa prodidimus, quorum doctrina apostolica ad hoc usque tempus per cōmentarios & monumenta ab ipsis edita reseruata est, vt Ignatii scilicet in epistolis quas recensuimus, & Clementis in ea epistola, quæ est omnium consensu approbata, quam sub Romane ecclesiæ persona ad Corinthiorum ecclesiam exarauit. In qua quoniam multa nōnunquam eodem sensu ex epistola ad Hebræos sumpta inserit, & interdum iisdem iam verbis ex eadem petitis vñtut, apertissimè quidem declarat, illud opus non recenti hominū memoria editum. Vnde merito quidem reliquis apostoli scriptis videtur annumerata. Nam cum Paulus epistolā ad Hebræos erudiendos patrio sermone literis mandauisset, eam alij quidem Lucam euangelistam, alij istum ipsum Clementem Græcis literis interpretatum esse affirmant. Quod planè est verisimilius: præsertim cum & Clementis epistola, & ea, quæ est ad Hebræos à Paulo missa, eandem dictionis & loquendi formam accuratè integręq; seruet: atq; adeo sensus in vtroq; scripto expressi, non longe inter se discrepant. Porro intelligendum est posteriorem quādam esse epistolam, quæ Clementis dicitur: verum eam non perinde, vt priorem approbatam cognoscimus: propterè quod animaduertimus veteres illius testimonia non aliquando suis scriptis intexuisse. Nam verò quidam alia item opera verbosa illa quidem & prolixa, heri propè & nudiustertius, perinde quasi illius essent, introduxerunt, quæ quidem disputationes Petri & Appionis cōtinent: quorum apud veteres nulla omnino fit mentio.

Nam

Nam puram illam & synceram apostolice orthodoxāq;  
doctrinā notam minimē retinent.

*De Papiæ commentariis. CAP. XXXIII.*

**D**E Clementis epistola ad Corinthios, quam omnes  
sine controversia illi attribuūt, suprà perspicue dis-  
seruimus: diximus etiam de epistolis Ignatij, & Po-  
lycarpi. Papiæ item libros numero quinque esse aiunt,  
qui expositio sermonum domini inscribuntur. Quorum  
tanquam ab eo solum scriptorū Irenæus sic mentionem  
facit. Ista Papias Ioannis auditor, Polycarpi familiaris,  
vir antiquus, in quarto libro operis sui testata reliquit.  
Sunt enim quinque ab eo libri confecti. Hæc Irenæus.  
Idem ipse Papias in exordio sui operis declarat se mini-  
mè quidem sanctorum apostolorum vel auditorē fuisse,  
vel eosdem suis oculis aspexisse, sed ea, quæ ad fidem per-  
tinent, ab illis, qui ipsidem noti & familiares erant, se ac-  
cepisse docet his verbis. Nō grauabor tua causa illa, quæ  
olim à presbyteris commode perdiscebam, & accurate  
mandabam memoriarē, cum explicationibus eorundem  
contexere, quò veritatem ab illis traditam pro viribus  
corroborare queam. Non enim ut vulgus hominum fo-  
let) iis qui multa dicunt, sed qui vera docent, oblector:  
neq; ex illis, qui aliena & noua mandata commemorant,  
sed ex his, qui recordatione renouant ea, quæ sunt à do-  
mino per fidem tradita, & ab ipsa veritate profecta, volu-  
ptatem capio. Si quis presbyter mihi fortè occurrebat,  
qui cum Apostolis versatus fuisset, dicta apostolorum ab  
eo diligenter sciscitabar, nempe quid Andreas dixisset,  
quidve Petrus, quid Philippus, quid Thomas, quid Iaco-  
bus, quid Ioannes aut Matthæus, aut quis alius domini  
discipulus: quæ denique Aristion & Ioannes presbyter,  
qui in numero discipulorum domini habebantur, locuti  
fuissent. Neque enim ea, quæ ex libris petebantur, tantū  
mihi subsidij allaturum, existimauit, quantum ea quæ acce-  
perā ex hominū voce & sermone, qui adhuc in vita ma-  
nebant. Quo in loco est operæ pretium animaduertere,  
nomen Ioannis ab eo bis enumeratum. Priorem, quæ cum  
Petro, Iacobo, Matthæo, & reliquis Apostolis percenset,  
decla-